

и наставляющаа нас в оно въсприимем божественая словеса и наказания. Елма же бог наш Исус Христос в священъныхъ евангелиихъ въпиеть ко всемъ яве и глаголетъ: «Иже несть со мною, на мя есть; и иже не собираеть с мною, расточитъ»,<sup>е</sup> сииречь, иже не по моимъ заповедемъ жительствуеть и иные в подобное житие и пребывание не вводитъ сие бо знаменуеть еже быти с Христомъ и собрати с ним. Подобаеть и намъ, от его<sup>31</sup> спасителныхъ заповедей наченшимъ, иноческаго житиа делания порядку изложити. Писаннаа бо от отецъ, словомъ и деломъ съвершеннаа, многа суща и добрейшая показаннаа к совершению добродетели, мно||жайшии ниже в слухъ приати хотятъ, не токмо в следъ ихъ ходити. Сего ради ниже предложити сиа нужно разсудихъ, ово убо аки презираемо от невнимающихъ себе, ово же зане и книгу целу съставити намъ имеють, аще порядку вся предложатся.

Глаголемъ убо, яко иноческое житие ничьтоже ино есть, точию подражание, паче же уподобление бесплотныхъ жительству, по глаголавшему премудрому: «Инокъ есть чинъ и устройство бесплотныхъ, в теле вещественномъ и оскверняемомъ свершаемо». И паки: «Инокъ есть, иже единыхъ божиихъ дръжайся<sup>32</sup> в всякомъ времени и месте и вещи». И паки тойже: «Ошельствие есть волна<sup>33</sup> ненависть и отвержение естъства, получения ради прещественныхъ». Сие же яко видится, на събою рече, но от нихъ же слыша Спаса в евангелиихъ рекшаго к въпросшему законнику и рекшему: «Сиа вся съхранихъ от юности моеа — что еще не доисполнихъ?»

Господь же рече: «Аще хощеша съвершенъ быти, иди и продай имения твоа и даждь а<sup>34</sup> нищимъ, и прииди и последуй ми». Сиа краткыя || глаголы опасне являютъ иноческое житие,<sup>35</sup> в трехъ сихъ съборнейшихъ главизнахъ съобъемлющи и прочаа вся съставляющаа иноческое житие, рекше, нищету, милостыню и всякое братолубие и състрадание,<sup>36</sup> к симъ же и молитву не престанну с воздержаниемъ и бодростию. Аще хощеша, рече, съвершенъ быти, а не<sup>37</sup> в полу<sup>38</sup> съвершенъ. Что же есть еже съвршенъ быти? Самъ Спасъ инде научи, рекъ: «Бывайте съвершении, яко же отецъ вашъ небесный съвершенъ есть». <sup>4</sup> Что же ли есть съвершение отчее? Яже к всемъ человекомъ, злымъ и благымъ, праведнымъ и неправеднымъ, неисчерпаемаа щедрота и благости пучина. Сие бо знамена, рекъ: «Иже сияетъ боле солнца своего на злыа и на<sup>39</sup> благыа, и одождитъ на праведныа и на<sup>40</sup> неправедныа»,<sup>е</sup> солнцемъ и дождию житийскихъ нужныхъ изъобиле гадательствовавъ. Реченныхъ<sup>41</sup> убо господемъ к въпросившему богатому сицеву силу имеющимъ,<sup>42</sup> яко съвершеныхъ творити и сущему на небеса своему отцу подобныхъ, по его заповедемъ<sup>43</sup> жительствующимъ, да посмотримъ убо, еда по коей||ждо сихъ спасение наше устроаемо ныне, или супротивнаа дръзаемъ?

Господь убо глаголетъ: <sup>44</sup> «Продай же убо<sup>45</sup> имения твоа». \* Жы же наша или убо устрояемъ по заповеди господьской, или ни? Таже в манастирь вшедше, от неразумиа нашего, чюжаа не преставаемъ всякимъ образомъ себе пристяжавати — и села и имения, ова убо безстудне у вельможъ<sup>46</sup> ласканиемъ прошаще, ова же искупующе. Таже господе бывша чюжихъ имений<sup>47</sup> чрезъ заповедь, велику правду непщуетъ и добродетель, еже тштитися всегда умножити сиа. И глаголавшаго нестяжаниемъ во вследъ его поити, и нищетою и правдою, и сего забывше, и вместо еже безмолствовати и рудоделаемъ своимъ и трудомъ<sup>48</sup> питатися, по заповеди, градовъ безпрестани

<sup>е</sup> Лук. 11. 23. <sup>з</sup> Матф. 19. 21. <sup>д</sup> Матф. 5. 48. <sup>е</sup> Матф. 5. 45. <sup>ж</sup> Матф. 19. 21.  
<sup>31</sup> сего С<sub>1</sub>С<sub>2</sub>С<sub>3</sub>. <sup>32</sup> Так С<sub>1</sub>С<sub>2</sub>С<sub>3</sub>; в ркп. дръжимся. <sup>33</sup> волное С<sub>1</sub>С<sub>2</sub>С<sub>3</sub>. <sup>34</sup> Нет С<sub>1</sub>С<sub>2</sub>С<sub>3</sub>.  
<sup>35</sup> жительство С<sub>1</sub>С<sub>2</sub>С<sub>3</sub>. <sup>36</sup> Так С<sub>1</sub>С<sub>2</sub>С<sub>3</sub>; в ркп. страдание. <sup>37-38</sup> исполу С<sub>1</sub>С<sub>2</sub>С<sub>3</sub>. <sup>39</sup> Нет С<sub>1</sub>С<sub>2</sub>С<sub>3</sub>. <sup>40</sup> Нет С<sub>1</sub>С<sub>2</sub>С<sub>3</sub>. <sup>41</sup> Так С<sub>1</sub>С<sub>2</sub>С<sub>3</sub>; в ркп. реченнымъ. <sup>42</sup> Так С<sub>1</sub>С<sub>2</sub>С<sub>3</sub>; в ркп. имеющимъ. <sup>43</sup> заповедехъ С<sub>1</sub>С<sub>2</sub>С<sub>3</sub>. <sup>44-45</sup> Продаждь С<sub>1</sub>С<sub>2</sub>С<sub>3</sub>.  
<sup>46</sup> Так С<sub>1</sub>С<sub>2</sub>С<sub>3</sub>; в ркп. вельможахъ с. <sup>47</sup> Так С<sub>1</sub>С<sub>2</sub>С<sub>3</sub>; в ркп. именияхъ.  
<sup>48</sup> труды С<sub>1</sub>С<sub>2</sub>С<sub>3</sub>.